



Republika e Kosovës
Republika Kosovo • Republic of Kosovo
Institucioni i Avokatit të Popullit
Institucija Ombudsmana • Ombudsperson Institution

Nr./Br./No. 140112022
Nr.i fq/Bri.str./Nr.pg
Date/Datum/Date: 19/09/22



Republika e Kosovës • Republika Kosovo • Republic of Kosovo
Institucioni i Avokatit të Popullit • Institucija Ombudsmana • Ombudsperson Institution

**RAPORT
I
AVOKATIT TË POPULLIT**

A. nr. 642/2018

Kadri Mirena

**në lidhje me zvarritjen e procedurës në Gjykatën Themelore në Prishtinë për lëndën
C.nr.1244/2016**

Drejtuar: Znj. Albina Shabani-Rama, kryetare
Gjykata Themelore në Prishtinë

Prishtinë, më 19 shtator 2022

Qëllimi i raportit

1. Ky Raport me rekomandime ka për qëllim që t'ia tërheqë vëmendjen Gjykatës Themelore në Prishtinë lidhur me nevojën e ndërmarrjes së veprimeve për shqyrtimin dhe vendosjen për lëndën C.nr.1244/2016, pa vonesa të mëtutjeshme.
2. Ky raport është i bazuar në ankesën individuale të z. Kadri Mirenës (në tekstin e mëtejmë: ankuesi) dhe mbështetet në faktet dhe në provat e ankuesit, si dhe në shkresat e lëndës, të cilat i posedon Institucioni i Avokatit të Popullit (IAP), lidhur me zvarritjen e procedurës gjyqësore në lëndën C.nr.1244/2016.

Baza ligjore

3. Sipas nenit 135, paragrafi 3, të Kushtetutës: “*Avokati i Popullit ka të drejtë të bëjë rekomandime dhe të propozojë masa, nëse vëren shkelje të të drejtave dhe lirive të njeriut nga ana e organeve të administratës publike dhe organeve të tjera shtetërore.*”
4. Po ashtu Ligji nr. 05/L-019 për Avokatin e Popullit, nen 16, paragrafi 8, përcakton: “*Avokati i Popullit mund të jep rekomandime të përgjithshme përfunksionimin e sistemit gjyqësor. Avokati i Popullit nuk do të ndërhyjë në rastet dhe në procedura tjera ligjore që janë duke u zhvilluar para gjykatave, përvèç rastit kur ka zvarritje të procedurave.*”

Përbledhja e fakteve

Faktet, dëshmitë dhe informatat, të cilat i posedon Institucioni i Avokatit të Popullit (IAP), mund të përblidhen si në vijim:

5. Më 30 maj 2016, ankuesi kishte parashtruar padi në Gjykatën Themelore në Prishtinë kundër të paditurit - Korporatës Energetike të Kosovës, për kompensimin e paluajtshmerisë ose shpronësimit të shtëpisë. Lënda ishte evidentuar me numrin C.nr.1244/2016.
6. Më 13 shtator 2018, ankuesi kishte paraqitur ankesë (A.nr.642/2018) në IAP kundër Gjykatës Themelore në Prishtinë (GjThP), për zvarritje procedurale në lëndën C.nr.1244/2016.
7. Më 24 tetor 2018, Avokati i Popullit i ishte drejtuar me shkresë kryetares së GjThP-së, nëpërmjet së cilës kishte kërkuar informata për veprimet që ishin ndërmarrë nga gjykata, në mënyrë që rasti të procedohej brenda afatit kohor, në pajtim me dispozitat ligjore në fuqi dhe me nenin 6 të Konventës Evropiane për Mbrojtjen e të Drejtave dhe Lirive Themelore të Njeriut dhe Protokolleve të saj.
8. Më 8 korrik 2019, Avokati i Popullit i ishte drejtuar kryetares së GjThP-së me shkresë rikujtuese.
9. Më 26 qershor 2020, përfaqësuesja e IAP-së, nëpërmjet postës elektronike, i ishte drejtuar me shkresë GjThP-së, nëpërmjet së cilës kishte kërkuar informata përfazën në cilën ndodhej procedura në çështjen e ankuesit.
10. Më 3 korrik 2020, përfaqësuesja e IAP-së kishte marrë përgjigje nëpërmjet postës elektronike nga GjThP-ja, në të cilën, ndër të tjershë, thuhej: “*Lidhur me lëndën C.nr.1244/16 padia është pranuar në Gjykatë më date 01 qershor 2016 dhe është regjistruar me shenjën C.nr.1244/16. Gjyqtari i çështjes duke vepruar sipas radhës së procedimit të lëndëve kontestimore, më dt. 05.02.2017 i ka dërguar KEK-ut-të paditurës Aktvendimin C. nr.1244 për përgjigje në padi. Me veprimet procedurale të radhës lidhur*

me këtë lëndë gjiqtari i çështjes, do të procedojë sikurse edhe të tjerat në pajtim me radhën e pranimit dhe ngarkimit të lëndëve nga ZML e Gjykatës, me Ligjin e Procedurës Kontestimore, Strategjinë për kryerjen e lëndëve të vjetra dhe planifikimet e Gjykatës.”

11. Më 4 mars 2021, përfaqësuesja e IAP-së, nëpërmjet postës elektronike, i ishte drejtuar përsëri me shkresë GjThP-së, nëpërmjet së cilës kishte kërkuar informata për fazën në cilën ndodhej procedura në çështjen e ankuesit.
12. Më 29 mars 2021, përfaqësuesja e IAP-së kishte marrë përgjigje nëpërmjet postës elektronike nga GjThP-ja, nëpërmjet së cilës ishte informuar si në vijim: “*Lidhur me lëndën me numër C.nr.1244/16 nuk kemi arritur të marrim informacione, pasi që gjyqtari i çështjes ka rast vdekje në familje dhe sapo të marrim përgjigje do tua dërgojmë.*”
13. Më 29 qershor 2022, nëpërmjet kontaktit telefonik ankuesi ka njoftuar përfaqësuesen e IAP-së se ende nuk ka marrë ndonjë njoftim nga gjykata lidhur me lëndën e tij.
14. Deri në ditën e publikimit të këtij raporti, Gjykata Themelore në Prishtinë nuk ka marrë vendim lidhur me lëndën e ankuesit, e cila është e evidentuar me numrin C.nr.1244/16.

Instrumentet ligjore të zbatueshme në Republikën e Kosovës

15. Kushtetuta e Republikës së Kosovës, në nenin 21, përcakton: “*Republika e Kosovës mbrojnë dhe garanton të drejtat e njeriut dhe liritë themelore [...].*”
16. E drejta për gjykim të drejtë dhe të paanshëm përcaktohet me nenin 31.1 të Kushtetutës: “*Çdo kujt i garantohet mbrojtje e barabartë e të drejtave në procedurë para gjykatave, organeve të tjera shtetërore dhe bartësve të kompetencave publike.*”
17. Po ashtu mbrojtja gjyqësore e të drejtave, e përcaktuar me nenin 54 të Kushtetutës, parashesh: “*Çdo kush gjëzon të drejtën e mbrojtjes gjyqësore në rast të shkeljes ose mohimit të ndonjë të drejte të garantuar me Kushtetutë ose më ligj, si dhe të drejtën në mjete efektive ligjore nëse konstatohet se një e drejtë e tillë është shkelur.*”
18. Konventa Evropiane për Mbrojtjen e të Drejtave dhe Lirive Themelore të Njeriut (KEDNj), sipas Kushtetutës së Republikës së Kosovës, është dokument ligjor drejtpërdrejt i zbatueshëm në Republikën e Kosovës dhe ka prioritet, në rast konflikti, ndaj dispozitave, ligjeve dhe akteve të tjera të institucioneve publike.¹ Ndërsa paragrafi 1 i nenit 6 të KEDNj-së garanton: “*Në përcaktimin e të drejtave dhe detyrimeve civile, çdo njëri ka të drejtë për një proces të drejtë dhe të hapur brenda një afati të arsyeshëm kohor.*”
19. Ligji nr. 03/L-199 për Gjykatat, në nenin 7, paragrafi 2, përcakton: “*Çdo person ka qasje të barabartë në gjykata dhe askujt nuk i mohohet e drejta në gjykim të drejtë, në përputhje me procedurën e rregullt ligjore ose të drejtë në mbrojtje të barabartë me ligj. Çdo person fizik apo juridik ka të drejtë në gjykim të drejtë dhe brenda afatit të arsyeshëm kohor.*”
20. Ndërsa nenin 7, paragrafi 5, i Ligjit për Gjykatat përcakton: “*Të gjitha gjykatat duhet të funksionojnë në mënyrë të shpejtë dhe efikase për të siguruar zgjidhjen e shpejtë të lëndëve.*”

¹ Kushtetuta e Republikës së Kosovës, nen 22.

Analiza ligjore

21. Avokati i Popullit tërheq vëmendjen në nenin 53 të Kushtetutës së Republikës së Kosovës, sipas të cilit, të drejtat e njeriut dhe liritë themelore të garantuara me këtë Kushtetutë interpretohen në harmoni me vendimet gjyqësore të Gjykatës Evropiane për të Drejtat e Njeriut (GjEDNj).
22. GjEDNj-ja, në disa raste, ka theksuar se e drejta e palës që për çështjen e saj të vendoset në afat të arsyeshëm kohor paraqet element qenësor të së drejtës për gjykim të drejtë dhe të paanshëm, siç është e garantuar me nenin 6 të Konventës Evropiane për të Drejtat e Njeriut.
23. Avokati i Popullit gjen se praktika e GjEDNj-së ka vërtetuar se zgjatja e procedurës normalisht llogaritet nga koha e inicimit të procedurave gjyqësore (shih mes të tjera shpallet aktgjykimin *Moldovan* dhe të tjerët kundër *Rumanisë*, më 12 korrik 2005, dhe aktgjykimin *Sienkiewicz* kundër *Polonisë*, më 30 shtator 2003) deri në kohën kur çështja ka përfunduar dhe/ose aktgjykimi është ekzekutuar (shih aktgjykimin *Poitier* kundër *Francës*, më 8 nëntor 2005).
24. Avokati i Popullit, lidhur me mosinformimin e palës përfazën në të cilën gjendet lënda e vet, gjen se sipas vendimeve të GjEDNj-së, një prej faktorëve që duhet të merret në konsideratë është sjellja e autoriteteve kompetente gjyqësore dhe administrative dhe se është përgjegjësi e gjykatës që ta organizojë punën e saj rië atë mënyrë që individët të informohen përfparimin dhe rezultatet mbi çështjet e tyre, brenda një kohë të arsyeshme (shih aktgjykimin *Zimmermann* dhe *Steiner* kundër *Zvicrës*, 13 korrik 1983).
25. Sipas praktikës së gjykatë (shih *Poiss v. Austria*, § 50; *Bock v. Germany*, §35), llogaritja e kohës për trajtim të një rasti gjyqësor fillon nga momenti i paraqitjes së padisë në gjykatën kompetente, e që në rastin konkret fillon të llogaritet nga data 17 shtator 2018, kur paditësi ka paraqitur padinë në Gjykatën Themelore në Prishtinë, e deri në ditën e publikimit të këtij raporti.
26. Njëkohësisht, mungesa e mjeteve efektive për trajtimin e shkeljes të së drejtës për proces të rregullt brenda një kohe të arsyeshme, e drejtë kjo e garantuar me nenin 6 të Konventës Evropiane përfte Drejtat e Njeriut, përbën shkelje të nenit 13 të Konventës [E drejta përfte zgjidhje efektive], i cili thotë: “*Çdo person, të cilit i kanë shkelur të drejtat dhe liritë e njohura me këtë Konventë, ka të drejtë të paraqesë një ankım efektiv përpara një instance kombëtare, edhe kur kjo shkelje ka qenë kryer nga persona që veprojnë brenda ushtrimit të funksioneve të tyre zyrtare.*”
27. Neni 13 i KEDNj-së pasqyron në mënyrë të drejtpërdrejtë obligimin e shtetit që fillimisht t'i mbrojë të drejtat e njeriut përmes sistemit të tij ligjor, duke vendosur me këtë rast një garanci shtesë përf një individ, që bën të mundur që ai/ajo t'i gjëzojë të drejtat në mënyrë efektive. Nëse shikohet nga kjo perspektivë, e drejta e një individi për proces të rregullt brenda një kohe të arsyeshme do të jetë më pak efikase, nëse nuk ekziston mundësia që së pari ta parashtrojë këtë ankesë te një autoritet vendor. Kërkesat e nenit 13 mbështesin kërkesat e nenit 6 (shih aktgjykimin *Kudla* kundër *Polonisë*). Kështu, neni 13 garanton këtë ankim efektiv te një autoritet vendor, përf një shkelje të pohuar të kërkesave të një mjet ankimi efektiv te një autoritet vendor, përf një shkelje të pohuar të kërkesave të nenit 6, përf ta shqyrtuar një rast gjyqësor brenda një kohe të arsyeshme. Pasi rasti në fjalë neni 13 i Konventës është i ka të bëjë me ankesën lidhur me kohëzgjatjen e procedurës, neni 13 i Konventës është i zbatueshëm.

28. Sa i përket zbatimit të nenit 13, Avokati i Popullit rikujton se GjEDNj-ja disa herë e ka theksuar se vonesat e mëdha në administrimin e drejtësisë, në rastet kur palët në procedurë nuk kanë mjete efektive për ankim në rastet e zvarritjes së procedurave gjyqësore, përbëjnë kërcënëm për sundimin e ligjit brenda rendit ligjor vendor (shih aktgjykimin në rastin *Bottazi kundër Italisë*, më 28 korrik 1999, dhe aktgjykimin në rastin *Di Mauro kundër Italisë*, më 28 korrik 1999).
29. Lidhur me kërkesat e nenit 13, Avokati i Popullit rikujton se efekti i këtij nenit është ekzistencia e një mjeti ligjor vendor që merret me substancën e “një ankesë të kontestueshme” sipas Konventës dhe ta lejojë lehtësimin përkatës (shih p.sh. aktgjykimin në rastin *Kaya kundër Turqisë*, më 19 shkurt 1998). Çfarëdo mjeti i tillë duhet të jetë efektiv si në praktikë ashtu edhe në ligj (shih p.sh. aktgjykimin në rastin *Ilhan kundër Turqisë*, më 27 qershori 2000).
30. Lidhur me ankesën për zvarritje të procedurës, Avokati i Popullit rikujton se “mjetet efektive” në kuptim të nenit 13 do të duhej të kishin qenë në gjendje ta parandalonin shkeljen e pohuar apo mosvazhdimin e saj, ose të ofronin përmirësimin adekuat për çfarëdo shkelje që tashmë kishte ndodhur (shih aktgjykimin e lartpërmendor *Kudla*).
31. Avokati i Popullit vëren se në sistemin tonë të brendshëm nuk ekziston një mekanizëm ligjor, përmes të cilit ankuesi do të kishte mundur të ankohej për zvarritje të procedurës për të arritur çfarëdo lehtësimi në formë të parandalimit apo kompensimit.

Konstatimet e Avokatit të Popullit

32. Avokati i Popullit rikujton se sipas praktikës gjyqësore të GjEDNj-së, kohëzgjatja e procedurës llogaritet nga koha e inicimit të procedurës gjyqësore, e që në rastin konkret është 30 maji 2016, dhe konstaton se zvarritja e tillë, pa vendim përfundimtar, shkel:
- *Të drejtën për gjykim të drejtë, proces të rregullt, brenda një afati të arsyeshëm kohor të përcaktuar dhe të mbrojtura me nenin 31 të Kushtetutës së Republikës së Kosovës dhe me nenin 6 të KEDNj-së.*
 - *Të drejtën për mjete efektive juridike, e mbrojtur me nenin 32 të Kushtetutës së Republikës së Kosovës dhe me nenin 13 të KEDNj-së.*
 - *Të drejtën për mbrojtje gjyqësore të të drejtave të përcaktuara në nenin 54 të Kushtetutës së Republikës së Kosovës.*
33. Duke u bazuar në të lartcekurat, Avokati i Popullit, në pajtim me nenin 135, paragrafi 3, të Kushtetutës së Republikës së Kosovës, “[...] ka të drejtë të bëjë rekomandime dhe të propozojë masa, nëse vëren shkelje të drejtave dhe lirive të njeriut nga ana e organeve të administratës publike dhe organeve të tjera shtetërore.”; në pajtim me nenin 16, paragrafi 8, të Ligjit për Avokatin e Popullit, sipas të cilit: “Avokati i Popullit mund të jep rekomandime të përgjithshme për funksionimin e sistemit gjyqësorë. Avokati i Popullit nuk do të ndërhyjë në rastet dhe procedurat tjera ligjore që janë duke u zhvilluar para gjykatave, përveç rastit kur ka zvarritje të procedurës.”; dhe bazuar në analizën ligjore të mësipërme, duke iu referuar argumenteve të lartpërmendura, me qëllim të përmirësimit të punës në sistemin gjyqësor të Kosovës, i

REKOMANDON

Gjykatës Themelore në Prishtinë:

- Pa vonesa të mëtutjeshme t'i ndërmarrë të gjitha veprimet përkatëse për shqyrtimin dhe vendosjen për lëndën C.nr. 1244/2016.

Në pajtim me nenin 132, paragrafi 3, të Kushtetutës së Republikës së Kosovës (“*Çdo organ, institucion ose autoritet tjeter, që ushtron pushtet legitim në Republikën e Kosovës, është i detyruar t'u përgjigjet kërkesave të Avokatit të Popullit dhe t'i paraqesë atij/asaj të gjitha dokumentet dhe informacionet e kërkuar në pajtim me ligj*”) dhe me nenin 28 të Ligjit nr. 05/L-019 për Avokatin e Popullit (“*Autoritetet, të cilave Avokati i Popullit u ka drejtuar rekomandim, kërkesë ose propozim për ndërmarrjen e veprimeve konkrete, (...) duhet të përgjigjen brenda afatit tridhjetë (30) ditor. Përgjigjja duhet të përmbajë arsyet me shkrim për veprimet e ndërmarra lidhur me çështjen në fjalë*”), ju lutemi mirësisht të na informoni për veprimet e ndërmarra lidhur me çështjen në fjalë.


Me nderime,
Naim Qelaj
Avokat i Popullit